

FORUM



Da seniester: Alexandra Klaiss, Domenic Lanicca, Sandra Coray.

FOTO MAD

Per amur dall'amur ...

Per amur dall'amur ein carstgauns prompts da far da tuttas sorts midadas. Midar receipts da cuschinar, midar gardaroba, midar auto, midar confessiun e midar domicil. En la proxima occurrenza «da cuminsonza a Ruschein» ha ei num: «Aus Ruschein ist mon amour». Hosps dalla sera ein duas dunnas ed in um che ein vegni ad habitar a Ruschein pervia dall'amur.

Alexandra Klaiss ei carschida si a Zug, *Domenic Lanicca* vegn da Sarn e *Sandra Coray* ei oriunda da Buchs el cantun Turgovia. Els raquentan (per tudestg) da lur derivonza, da lur vesta

sin Ruschein e da lur occupaziuns en la veta professionala e privata.

Ina dallas ideas da «da cuminsonza a Ruschein – la sera dils treis» ei da promover il contact denter ils «indigens» e persunas ch'ei vegnidas neutier per star a Ruschein. Perquei dat ei per ordinari ina sera «da cuminsonza» ad onn per tudestg. Il lungatg sco mied per s'integrar en ina cuminsonza vegn denton era ad esser in tema quella sera. Alexandra che stat dapi varga 19 onns el vitg, sa comunicar detg bein per romontsch. Domenic ch'ei vegnius a star a Ruschein il 2007 manegia «wega miar muass nie-

mert Tütsch reda» e Sandra ch'ei dapi igl atun 2020 el vitg e mumma da dus affons pigns manegia ch'ella hagi pil mument autras prioritads – mo zacu seigi emprender romontsch franc in tema per ella.

«Aus Ruschein ist mon amour». Dumengia, ils 3 da mars 2024, 20.15, Casa da scola Crestas, stanza 11, Ruschein. Dapli sin www.dacuminsonza.ch. Beinvegnidas a «da cuminsonza» ein sco adina era persunas d'ordeifer. Suenter l'occurrenza vegn offeriu in sitg – aua ni vin. L'entrada ei gratuita.

Maria Cadruvi